

## 燕子的诗句有哪些

1.  
疏星淡月秋千院，愁云恨雨芙蓉面。伤情燕足留红线，恼人鸾影闲团扇。  
——张可久《塞鸿秋·春情》
2.  
年去年来来去忙，春寒烟暝渡潇湘。低飞绿岸和梅雨，乱入红楼拣杏梁。  
闲几砚中窥水浅，落花径里得泥香。千言万语无人会，又逐流莺过短墙。  
——郑谷《燕》
3.  
残花酝酿蜂儿蜜，细雨调和燕子泥。绿窗春睡觉来迟。谁唤起？窗外晓莺啼。  
——胡祇遹《阳春曲·春景其二》
4.  
采芳人杳，顿觉游情少。客里看春多草草，总被诗愁分了。去年燕子天涯，今年燕子谁家？三月休听夜雨，如今不是催花。  
——张炎《清平乐》
5.  
豪家五色泥香，衔得营巢太忙。喧觉佳人昼梦，双双犹在雕梁。  
——李中《燕》
6.  
海燕岁微渺，乘春亦暂来。岂知泥滓贱，只见玉堂开。绣户时双入，华堂日几回。  
无心与物竞，鹰隼莫相猜。  
——张九龄《归燕诗》
7.  
接叶巢莺，平波卷絮，断桥斜日归船。能几番游，看花又是明年。东风

且伴蔷薇住，到蔷薇、春已堪怜。更凄然。万绿西泠，一抹荒烟。当年燕子知何处，但苔深韦曲，草暗斜川。见说新愁，如今也到鸥边。无心再续笙歌梦，掩重门、浅醉闲眠。莫开帘，怕见飞花，怕听啼鹃。——张炎《高阳台·西湖春感》

8.  
燕子几曾归去。只在翠岩深处。——辛弃疾《如梦令·燕子几曾归去》

9.  
屋上春鸠鸣，村边杏花白。持斧伐远扬，荷锄觜泉脉。归燕识故巢，旧人看新历。临觞忽不御，惆怅远行客。——王维《春中田园作》

10.  
百鸟乳雏毕，秋燕独蹉跎。去社日已近，衔泥意如何。不悟时节晚，徒施工用多。人间事亦尔，不独燕营巢。——白居易《晚燕》

11.  
我屋汝嫌低不住，雕梁画阁也知宽。大须稳择安巢处，莫道巢成却不安。——杜荀鹤《春来燕》

12.  
竹亭春草绿，小雨引花香。燕子来何处，衔泥镇日忙。——李学温《春景》

13.鸟啼芳树丫，燕衔黄柳花。——张可久《凭栏人暮春即事》

14.  
画阁归来春又晚，燕子双飞，柳软桃花浅。细雨满天风满院，愁眉敛尽无人见。独倚阑干心绪乱，芳草芊绵，尚忆江南岸。风月无情人暗换，旧游如梦空肠断。——欧阳修《蝶恋花》

15.  
翩翩双燕画堂开，送古迎今几万回。长向春秋社前后，为谁归去为谁来。——欧阳澥《咏燕上主司郑愚》

16.

汉宫一百四十五，多下珠帘闭琐窗。何处营巢夏将半，茅檐烟里语双双。  
。——杜牧《村舍燕》

17.泥融飞燕子，沙暖睡鸳鸯。——杜甫《绝句二首》

18.

莺嘴啄花红溜，燕尾点波绿皱。指冷玉笙寒，吹彻小梅春透。依旧，依旧，人与绿杨俱瘦。——秦观《如梦令·春景》

19.月儿初上鹅黄柳，燕子先归翡翠楼。——周德清《喜春来》

20.

燕子来时新社，梨花落后清明。池上碧苔三四点，叶底黄鹂一两声，日长飞絮轻。巧笑东邻女伴，采桑径里逢迎。疑怪昨宵春梦好，元是今朝斗草赢，笑从双脸生。——晏殊《破阵子》

21.

一曲新词酒一杯，去年天气旧亭台。夕阳西下几时回？无可奈何花落去，似曾相识燕归来。小园香径独徘徊。——晏殊《浣溪沙》

22.

画堂歌舞喧喧地，社去社来人不看。长是江楼使君伴，黄昏犹待倚栏干。  
。——杜牧《归燕》

23.

旅食惊双燕，衔泥入此堂。应同避燥湿，且复过炎凉。养子风尘际，来时道路长。今秋天地在，吾亦离殊方。——杜甫《双燕》

24.磁石上飞，云母来水，土龙致雨，燕雁代飞。——刘安《淮南子》

25.

朱雀桥边野草花，乌衣巷口夕阳斜。旧时王谢堂前燕，飞入寻常百姓家。  
。——刘禹锡《乌衣巷》

本文链接：<https://duanjuziku.com/duanjuzi/hel344jjeq.html>